

Ho tsepamisitswe maikutlo hodima boikobelo ba ditlhophisobotjha tsa theko ya phetiso

Tshwane, Labohlano la 19 January 2024 – Ditshebeletso tsa Lekgetho tsa Afrika Borwa (SARS) kajeno di phatlaladitse moralo wa ditokiso tsa molao hore setjhaba se ntshe maikutlo ka sepheo sa ho bebofatsa ditaba tse mabapi le ditlhophisobotjha tsa theko ya phetiso.

Ditokiso tsa molao tse tlasa Molao wa Bolaodi ba Meedi le Dihlahiswa tsa Naha, 1964, (Molao wa Nomoro ya 91 wa 1964) di tla fana ka tlhakisetsa le nnetefaletso bakeng sa dikgwebo tsa matjhabatjhaba mabapi le ka moo di ka jarang boikarabelo ka teng ho tse mabapi le ditlhophisobotjha tsa theko ya phetiso ditsebahatsong tsa pejana tsa Bolaodi ba Meedi. Sena se tla netefatsa hore ba feela ba ikobela boitlamo ba bona ba Bolaodi ba Meedi.

Ho ya hodimo le tlase ha ditheko tsa dithoto le ditshebeletso tseo dikgwebo tsena tsa matjhabatjhaba di fanang ka tsona di bile le tshusumetso hodima diphaello mme ka lebaka la sena, le hodima boikarabelo ba tsona ba tefo ya lekgetho. Kahoo ke boikarabelo ba dikgwebo tsena tsa matjhabatjhaba ho hlophisa botjha ditefo tsa tsona tsa theko ya phetiso ho qala morao ho netefatsa boikobelo.

Moralo wa ditokiso tsena o phatlaladitswe websaeteng ya SARS hore setjhaba se ntshe maikutlo a sona ho latela le ka moo ho boletsweng ka teng ho marangrang a dikgokahanyo a SARS. Bakgathatema ba Bolaodi ba Meedi ba koptjwa ho ba le seabo motjheng ona.

"Ona ke mohato o mong wa ho nolofaletsa le ho etsa hore dintho di be bonolo bakeng sa balefalekgetho le bahwebi hore ba tsebe ho ikobela boitlamo ba bona" ho rialo Khomishenara ya SARS Mong. Edward Kieswetter.

"Molao o kgontsha mokgatlo ho hlalosa melao le metjha e tlang ho phahamisa boikobelo ka tsela e totobetseng le ho ntlafatsa tikoloho ya lekgetho le ya Bolaodi ba Meedi e nang le kgahlamelo hodima bakgathatema ba rona naheng ka bophara le matjhabeng."

Ho fumana lesedi le fetang lena, ka kopo ikopanye le SARSMedia@sars.gov.za